



Universitätsbibliothek Paderborn

Cavtio Criminalis, Seu De Processibvs Contra Sagas Liber

Spee, Friedrich von

Francofurti, 1632

20. Quid de tormentis sentiendum, an periculum morale & frequens
innocentibus induant.

urn:nbn:de:hbz:466:1-11133

¶ 24 Dub. XX. *Quid de Tormentis seu quæst. sentientiæ etiam strenue in complicibus expiscandis, quas & ipse in pugillares suos excipiebat; assistere item torturis, instruere, suggerere argumenta, quibus culpam amplius deprehenderent, & similia complura, quæ iam pene exciderunt.* Quid hic autem de Irregularitate studuisse potuit? Vnde mirum non erat, si tam insignem adiutorem mire Inquisitores, ipsi æque periti, suspicerent, & mirarentur tanquam hominem de cœlo sibi allapsum, qui ipsissimam agendi praxin solus combibisset ad omnium Theologorum speculantium inuidiam. Quæ hæc autem miseria & infelicitas nostrorum temporum! aut quid iuuet literas vidisse, si hic ignorantia est honor? Legant Confessarij quæ infra quoque dicam dub. 30. vbi eos instruo.

D U B I U M X X.

Quid de Tormentis seu quætionibus sentiendum? An periculum morale & frequens innocentibus inducant?

RESPONDEO, Ea est ut plurimum con-

An periculū morale & frequēs innocētib. inducāt? 125

conditio torturæ, vt cum vltro citroq;
quæ id genus vidi, legi, & audiui, apud
me memoria per uoluō, decernere non
possim aliud, quam quod frequens &
morale periculum innocentibus indu-
cat, & Germaniam nostram impleat Sa-
gis ac sceleribus inauditis: nec Germa-
niam solum, sed quamcunque aliam
nationem, quæ idein experiri incipiat.
Rationes istæ sunt:

RATIO I. Tormenta passim usitata na-
tura sua ingentia sunt, & dolores cau-
sant supra modum acerbos: hæc autem
maximorum dolorum natura est, vt
dum eos declinare liceat, non verea-
mur vel in ipsam mortem incurseret:
periculum igitur est, ne non multæ, vt
se cruciatibus equulei expediant, fa-
teantur crimen quod non habent, ac
quævis de se scelera mentiantur quæ-
cunque vel suggerunt quæsitores, vel i-
psi rei vt fateantur meditati antea sunt.

RATIO II. Id adeo verum est, vt robu-
stissimi quidam, qui grauissimorum
scelerum causa in tormentis pepende-
rant, sancte mihi affirmarint, nullum
tan-

126 Dub. XX. *Quid de Tormentis seu quæst. sentien-*
tantum excogitari posse crimen, quo
non promptissime sibi imposituri fu-
sent, si eius confessione tantisper se tan-
to cruciatu excipere licuisset: quin imo
antequam reducisse eodem paterentur
potius in denas mortes rectis pedibus
insulturos esse. Quod si inueniuntur alij,
qui discerpi potius quam silentium
soluerent in equuleo malint (ut de Ægyptiis
memorat Ælianus in Historia varia lib. 7. cap. 8.) ij&rari sane hodie sunt,
& subinde non bonis artibus aduersus
omnem doloris sensum muniti: Vnde
non immerito lex i. ff. de quæstionibus
Torturam appellat rem fragilem & pe-
riculosam; sic enim loquitur: *Quæstiōni*
fidem non semper, nec tamen nunquam ha-
bendam Constitutionibus declaratur: Ett-
nim res est fragilis & periculosa, & que ve-
ritatem fallat. Nam plerique patientia simu-
litia tormentorum ita tormenta conte-
munt, ut exprimi eis veritas nullo modo
possit. Alij tanta sunt impatientia, ut quid-
uis mentiri quam pati tormenta velint: ita
fit, ut etiam vario modo fateantur, & non
tantum se, verum etiam alios comminentur.

Hinc

An periculu[m] morale & freques innocetib[us]. inducat? 127

Hinc & Cicero in partitionibus: Dolorem fugientes, inquit, multi in tormentis ementiti persape sunt, moriq[ue] maluerunt fabsum fatendo, quam inficiando dolere: Et idem pro Sylla non magis oratorie quam vere: *Questiones nobis seruorum ac tormenta minitantur; in quibus quanquam nihil periculi suspicamur, tamen illa tormenta gubernat dolor, moderatur natura cuiusque tum animi tum corporis, regit quæsitor, flectit libido, corrumpit spes, infirmat metus, ut in tot rebus & angustiis nihil veritati locum relinquatur, &c.*

RATIO III. Atque ut magis innote-
scat vel tormentorum magnitudo, vel
impatientia nonnullorum, hoc exem-
plum esto: scient Confessarij, qui expe-
rientiam aliquam habent, reperiri non-
nulos, qui vbi falso quospiam in tor-
mentis detulere; post autem in pœni-
tentiae sacramento intelligunt non pos-
se à peccatis absoluvi, nisi quos falsa ac-
cusatione in vita discriben coniecere,
rursus eripiant; excipere solere, id se fa-
cere non posse, quod timeant, ne si ca-
nant palinodiam, rursum in quæstiones repe-

128 Dub. XX. *Quid de Tormentis seu quæst. sentiend*
repetantur: Ad quod si instet Confessa-
rius, nihilominus non posse innocentem
in culpa relinqui sub pœna damnatio-
nis; reperiundam aliquam esse viam
qua delatae iuuentur, respondere non
raro; se vero quauis ratione innocentia
eorum consulere paratos esse, sed ni ali-
ter queant quam cum periculo redeun-
di in quæstionem, non posse neque vel-
le, ne quidem si de salute sit actum. Ex
quo igitur infero in hunc modū: si non
nullis ita grauis ac intolerabilis tortura
est, vt damnari potius quam torqueri
sustineant, quis neget prudenter & cum
ratione credi posse quod diximus: ni
mirum torturas has non leue secum
trahere periculum, ne, si non serio oc-
curratur, nocentum numerum inno-
centes exaggerent.

RATIO IV. Ego de me fateor, tam mi-
nime tantis pœnis exhaustiendis subsi-
stere, vt si in quæstiones abriperer, non
non dubitarem mox ipso initio reum
me cuiuscunque maleficij statuere, &
mortem potius quam tantos cruciatus
amplecti: præsertim cum (vt suppono ex
com-

An periculū morale & frequēs innocētib. inducāt? 129
communiori Theologorum sententia) non peccet mortaliter, qui se reum facit vi tormentorum adactus. Idem audiui de se dicentes, viros non paucos, admodum religiosos, & alioqui laudissimæ constantiæ ac fortitudinis insignis; qui conscij sibi communis fragilitatis & acerbitas huiuscmodi pœnarum, non audebant de se nisi humana omnia prōmittere. Ut sane imprudentiæ arcessi non debeam; si metuere medicam, ne vbi in imbelles fœminas questiones exercentur, falsissimas confessiones exprimat torturæ vis, atque ita in periculum & pœnas innocentibus iuxta ac nocentes vocentur. Lege hic, & considera quæ infra in Appendice dicuntur.

RATIO V. Auget vero periculum in negotio Sagarum, conditio ipsius sexus. Quis nescit quam animal sit imbecillum mulier, quam impatiens dolorum, quam promptum lingua? quod si ne viri quidem, ut iam diximus, etiam religiosi, ita animo valent, quin mortem quam tormenta malint, quid

K

de

F30 Dub.XX. Quid de Tormentis seu quæst. sentient
de fragili illo sexu præsumendum e
rit?

RATIO VI. Auget item periculum,
quod leuissimis vt mihi quidem videtur
de causis, certe viro cordato indignis,
tortura decernatur: vt ex fama sola, aut
ex denunciationibus, aut ytroque; cum
neutrum quicquam merito habere mo
menti debeat, vt infra suo loco osten
dam, Dub.34. & Dub.44. & seqq.

RATIO VII. Auget item periculum,
quod in criminis hoc Sagarum acerbio
ra fere tormenta usurpatur quam in a
liis, quodq; vt his diebus audiebam, nō
nullibi leuiora putat esse quæ hactenus
in usu sunt; proindeq; noua cogitant
quod tamen nec in atrocissimis debere
fieri docet Farinacius lib. 1. Tit. 5. q. 38.
nu. 57. ex communi sententia: Est enim
res digna Phalaride quopiam aut Peril
lo non homine Christiano, vt rectissime
notat Petrus Gregorius Tolosanus synt
lib. 48. cap. 12. nu. 25. & Iulius Clarus lib. 5.
Brunus & alij. Nam si quæ hactenus ser
uumus, adeo periculosa sunt, vt dixi,
quid fieri, si sicutiam nouis commentis
in-

An periculū morale & frequēs innocentib. inferat? 131

intendimus? Et tamen hodie Magistratus etiam Ecclesiastici hæc suis Officialibus permittunt.

RATIO VIII. Auget item periculum, quod non solum, ut iam dixi, acerbiora fere tormenta in hoc crimine usurpan- tur; sed quod præterea quantumcunq; hic excedatur seu in modo seu tempo- re, nemo tamen sibi ullum faciat con- scientiæ scrupulum. Ut mirum sit in o- mni alio peccatorum genere esse qui se accusent in foro pœnitentiæ, sed hic plane esse neminem vel pœnitentium qui accuset, vel confessorum qui roget: cum tamen annexa hic sit restitutionis & satisfactionis obligatio. Itaque mihi constat enormioribus torturis multos esse mortuos, multos etiam in omnem vitam inutiles redditos, multos ita la- niatos & scissos, ut cum capite plectendi essent, non ausus fuerit lictor pro mo- re humeros nudare, ne crudeli specta- culo populum concitaret: quosdam in ipsa adhuc ad supplicium via expedi- ri debuisse, ne antequam peruenirent, mortui conciderent, &c. Nemo tamen

K 2 ad-

132 Dub. XX. *Quid de Tortentis seu quæst. sentientia*
adhuc erit qui conscientiam pacatissi-
mam non gerat, aut tantillum se existi-
met in conscientia ad satisfactionem
teneri.

Iam vt dicam de tempore; sane qui-
dem grauissimus est torturæ dolor, si
vel dimidium quadrantem, imo hunc
dimidium solum duret; quid erit si per
quadrantem? quid si per duos quadran-
tes? quid si per horam? Ac licet proinde
Paulus III. Pontifex in Bulla quadam
quæ continetur in Bullario, i. par. fol. 471
prohibuerit, reum detineri in Tortura
per longum spatium, vt vnius horæ
nunc tamen mitissimi Iudices (nam de
seuerioribus ne loqui quidem lubet)
tam minime hic peccare hodie timent,
vt ad horam vnam vel duas dimidijs
torquere plane solenne fecerint, adeo
vt insufficiens nominetur quæ id tem-
pus non expleuerit, vt infra dicam
Dub. 23.

Quis hic subsistet? quis non mori-
malit, & vel sexcentis mendaciis tantas
pœnas redimere? Quod si aliquæ adhuc
id tempus silentio transmittunt, nec
men-

An periculū morale & frequēs innocētib. inducāt? 133

mentiuntur, causa subest paucis cogita-
ta, sed vt experientia multa didici verif-
sima, & notanda. Pleræque enim omnes
apprehēsam hanc opinionem habent,
mortaliter peccare ac saluari nullate-
nus posse, qui tantum scelus quantum
est Magia, in se innocens suscepit:
ideoq; ne in animam suam sic gratiiter
peccent, aduersus intolerabiles pœnas
totis viribus luctantur; quibus tamen
tandem vel sic quoque, cum extremam
patientiam consumperint, succum-
bunt: actum demum quod existiment
iam vtique de æterna sua salute esse a-
ctum, incredibile dictu est quanto mœ-
rore in carcere se confiant, atque et-
iam subinde desperationi se tradant, si
nullum inueniant qui erigat & erudiat.
Ceterum quæ licere sibi putant cogen-
tibus tormentis falso crimini se submit-
tere, non sustinent sane tantas pœnas,
sed maturius occurrunt, & quælibet in
se mentiuntur. Scio quid loquar & Con-
fessarios omnes per viscera misericor-
diæ Dei nostri obtestor, eos se se præ-
beant spirituales viros, humiles, mites,

¶34 Dub. XX. Quid de tormentis seu quæst. sentientia
prudentes, & simplices, quales suos de-
bere omnes esse legifer noster dixit:
deprehendent plurima quæ hactenus
ignorant. Vnde & quod multis nunc
ſindies contingit, cohibebunt paulatim
impetus suos, & correctiore oculo no-
tare incipient quam non temere ſuspi-
cari voluerim, ne non plurimus in Ger-
mania ſanguis innocens fit fufus.

RATIO IX. Auget item periculum,
quod et si acerbissimæ torturæ ſunt, ta-
men neque Iudices quidem neque alij
multi eam acerbitatem apprehendunt.
Non apprehendere autem colligo ex
quadam valde ipſis uifitata phraſi, cum
dicūt, aliquas ſe reas eſſe faffas ſine tor-
tura. Nam ita egomet his meis auribus
non ſemel & Iudices & vero etiam Sa-
cerdotes audiui affirmantes, atque in-
de probantes eas igitur ſine ullo dubio
nocentes eſſe. Mirum eſt quo tandem
loquēdi licentia egrediatur: cum enim
quærere deinde iuſtitui, nū ſic haberet;
intellexi eās omnino tortas fuiffe; ſed
tantum prelo quodā ferreo & lato, cuius
lamina anterior acutis ſtriis ſulcata cum

ob

An periculū morale & frequēs innocētib. inducāt? 135

ob tibias, vbi acutissimus est sensus, vehementius vrgetur, ac caro, exsidente vtrinq; sanguine, instar placentæ comprimitur, is necessario existit dolor, quē etiam robustissimi qui que viri intollerabilem sibi visum esse dicunt: Et hoc tamen isti affirmabant esse fateri sine tortura: hoc spargunt apud vulgum, hoc scribunt ad Principes; non esse quod de criminis Sagarum dubitent, cum & vltro plurimæ sine tortura fateantur. Et quid igitur illi apprehendunt qui hos dolores non apprehendunt? quid iudicant & resoluunt consulti Doctores, qui nondum Inquisitorum idioma seu phrases intelligunt? Vbi iam autem quod docent omnes Criminalistę, vel ipsum metum torturæ æquivalere torturæ, ac proinde neque hunc sine magnis indiciis posse incuti? Quod si eo hodie ventum est, vt nec ipsa tortura, tortura sit, quid metus torturæ erit?

RATIO X. Auget item periculum, quod expromimus hodie tormenta in quosuis sine discrimine. Quia in re vereor, vt seueritate ipsos ethnicos vi-

336 Dub. XX. *Quid de Tormentis seu quæst. sentiendū*
deamur anteire velle, qui tamen olim,
& atrocissimis, continuisq; bellis, & cru-
delissimis gladiatorum spectaculis, tru-
culentiam suam indies de industria a-
cuebant. Nam apud eos quidem non
nisi soli serui tormentis rogabantur, il-
lorum hæc pœna tantum erat: & qui il-
li autem serui erant? qui nequam? lege
comicos, Terentium, Plautum, Poetas
cæteros, inuenies fuisse quendam quasi
omnis insignitæ improbitatis florem,
nequitia spumam; mendaciorum ar-
chitectos, falsarios, periuros; ad fraudes
& omne scelus ab vnguiculis cruditos;
non nisi merissima verberum, neruo-
rum, flagellorum, fustium mancipia, ad
omnem cuiusvis doloris patientiam af-
suefacta. In hos igitur duntaxat, tam a-
cerbas quæstiones exercebant, iam an-
te de nequitia notos; in quibus etiam si
erratum fuisset, facilitior iactura erat;
cum pene ante mortem meriti essent:
non in cæteros incognitæ adhuc duri-
tiei & nequitia; quippe quos merito
formidabant nimis facile etiam contra
veritatem dolori cessuros. Sed nos mo-

do

An periculū morale & frequēs innocētib. inducāt? 137

do post Christi legem paulo mitiores
facti, transferimus eas in quoscunque
nulla nondum simili improbitate, &
dolorum vſu, ac ſufferentia notos.

RATIO XI. Auget item periculum,
nequitia & libertas nimia carnificum.
Putaram ego eam esse oportere iudi-
ciorum sanctitatem & religionem, vt li-
ctoribus ne quidem verbulum mutire
liceret, ſed ea tantum ſimpliciter exe-
qui quæ iuberentur: nunc iij quibusdam
locis dominari mihi viſi ſunt, & pro ſua
libidine torquendi modum definire. I-
pſi vrgent, instant, rogan: verbis ſtimu-
lant pendentes, intentant terribiles mi-
nas atroci voce ni fateantur; exacerbāt
etiam tormenta, atque adeo intendunt
vt impoffibile fit tolerare. Hinc laudes
quorundam lictorum & prærogatiuæ
memorantur, quod nemo vnuſ reus
ſub ipſis vocem non ruperit: & tales ac-
cerſuntur cūm alij defecere; iij palmam
ferunt. Quos ſane eti neque auſidas
lucri, neque innata ſequitia extra metam
rapere poſſe crederetur, nihilo adhuc
tamen minus ob ſolam qua laborant

K . 5

in-

138 Dub. XX. *Quid de Tormentis seu quæst. sentiendū infamiam à quacunque agendi & loquendi libertate prohiberi oportuerat.*

RATIO XII. Auget item periculum, quorundam Quæsitorum seu Iudicium qui tormentis præsunt laxa conscientia, imo intoleranda iniq[ue]itas. Serio cauent iura, ne de quoquam complice seu criminis consorte nominatim quis in tormentis interrogari debeat, verba sunt leg. i. ff. de Quæstionib. *Qui quæstiōnem habiturus est, non debet specialiter interrogare an Lucius Titius homicidium fecerit, sed generaliter quis id fecerit? Alterum enim magis suggestoris quam requirentis videtur, & ita Diuus Traianus rescripsit.* Idem cautum est in Constitutione pœnali Carolina artic. 13. ac nemini non recta ratio sic dictat, quam & lex tangit, ideoq[ue] & ad crima Excepta transit. Nihilominus non defunt hoc tempore, qui contrarium audeant, & velut in os indant reis quas accusent. Infero pro exemplo quod sequitur: Anni sunt aliquot, cum in loco quodam Germaniæ, vbi multa ac leuera in Sagas animaduersio erat, colloqui

sic

An periculū morale & freques innocetib. inducat? 139
sic casu cœpi cum viro graui, cana &
promissa barba, locoq; inter suos ho-
nesto. Loquebamur autem de Saga-
rum suppliciis, earumq; tum ingenti
frequentia; quam quod ego admirari
me dicerem, ingemiscens ille: Nouerit,
inquit, qui humana omnia tuetur,
Deus, an & omnes, quæ nunc quidem
pœnæ, culpæ etiam confortes sint.
Nam & ipse ego anno superiore iudi-
ciis assedi: Sed, vt denique me inde de-
ducerem, conscientia persuasit: ne-
que enim ferre admodum, neque im-
pedire poteram austoritatem Iudicis.
Ad quod ego: & quæ illa inquam au-
storis erat? ea, inquit ipse, quam in
quæstionibus adhibebat: Pendentibus
enim reis & de se confessis, cum de aliis
quoque rogarentur, atque illæ autem
constantissime negarent, aliam se ullam
nosse, tum ipse: an non igitur & Titiam
tu nosti, inquit? an non in tripudiis vi-
disti? ad quod si ausa que esset responde-
re, se vero nihil penitus de ea malâ scire;
tum ille mox ad carnificem conuersus:
Trahe, inquit lictor, tende fidiculas.

Quo

140 Dub. XX. Quid de tormentis seu quæst. sentienda
Quo trahente, cum illa obruta dolore
exclamaret, imo, imo, remitte lictor,
noui, noui Titiam & vidi, non negabo,
referebatur denunciatio hæc in acta; ac
deinde mox eodem modo de Sempro-
nia quoque rogitabat ; de qua si item
initio negaretur, monebat propere li-
ctorem ut attraheret, dum & Sempro-
nia esse rea diceretur; atque ita conse-
quenter de aliis, donec minimum tres
aut quatuor cuiuis quantumuis relu-
ctanti exsculpisset. Nescio quid dicam:
hæc tamen mihi senex ille ut verissima
referebat. Iudicet nunc Lector, si ita a-
gitur, vnde tantus sit nobis in Germania
numerus Sagarum: Iudicet quam ab-
surde & imperite censem morale &
frequens periculum innocentibus per-
tormenta superduci? Væ autem iterum
Principibus qui in Sagas acriter inquire
volunt, nec maiore diligentia Iudiciis
prospiciunt! Vix hæc scripseram cum
superuenit amicus quidam meus ; cui
cum sciscitanti quid meditarer, repe-
rem quod scripsi, intuens me ille ac non
modeste arridēs : quin tu, inquit, exem-
plum

An periculū morale & frequēs innocētib. inducāt? 141

plum hoc quod narras quantocyus expungis? non opus iam exemplis est in re quotidiana & tam vulgari : non hoc v-nus ille Iudex quem dixisti , sed plures hodie faciunt: est hēc praxis admodum usitata & frequens: ipse interfui, vidi, atque his auribus audiui. Adeo ut in loco quodam nuper cum Iurisperiti eo coegerissent Inquisitorem in illis partibus sequentem, vt ne ibi in ullum complicem nominatim inquireret, nec an in hac, aut ista domo aut platea , aut tribu quis nocens esset ; non parum triumpharint , tanquam optime de popularibus suis meriti: cum in aliis locis , ubi contradictores non inueniret, eo quo dixi modo saeure pergeret.

Quid hic dicam? vñ iterum Principibus. Potestne autem sine graui admodum culpa ignorare hæc is , qui vel maxime scire debet,cum & ego non nesciam cui nescire licuit? Sed quid volumus? Confiliarij eorum & Confessarij tacent, æque omnium quæ geruntur nescij ; vnde nec conscientiam suam nec alienam mouent.

Ita-

Itaque, ut deinde ipse quoque obser-
uare cœpi, communis hæc est multo-
rum Quæsitorum praxis, ut seu circa
complices, seu circa scelera admissa,
seu circa loca & tempora tripudiorum,
seu circa alias circumstantias quascun-
que, nominatim aut quasi nominatim
in os indant reis quid respondeant:
quæ omnia cum sic pluribus eadem
suggererint, mirifice deinde vendi-
tant apud Principes aliosve, quod tam
multæ in iisdem plane punctis accura-
te conuenerint. Quæ hæc autem ca-
ritas Germaniæ est? An existimant Ma-
gistratus, se absque grauiissimis pecca-
tis dissimulare hæc delicta Quæsitorum
tam periculosa innocentibus posse?
Et tamen nuper Prælatus quidam Ec-
clesiæ non dissimilem quærendi mo-
dum approbabat; dum annueret non
sibi displicere, quod malevolus Inquisi-
tor quispiam mulierculas suas rogitas-
set, nullum ne etiam Parochum seu
Ecclesiasticum in conuentibus vidis-
sent: Præclara sane ratio! quasi non
hac via quiuis tandem hominum ordo

in

An periculū morale & freques innocētib. inducār? 143

in periculū deduci suggestione possit?
vt profecto egregie deinde vir magnus
cum hæc audiuisset, ita responderit:
Diceretur Prælato illi, rogandas po-
tius mulierculas videri, nunquid visi
quoque sint Ecclesiæ Prælati? & si ne-
gent tam diu cædendas esse, dum affir-
ment &c. quippe cum non minus eo-
rum aliquem, quam quemuis alium no-
minaturæ sint, si modo nec Quæsitor
suggestione, nec lictor fidiculis parcatur.
Et huiusmodi Doctores Principes con-
sulunt, horum spiritus & imperitiam
Respublica pati debet. Prudenter vero
prouidit Princeps ille, qui nuper Inqui-
sitori cuidam suo expresse rescripsit, ne
de Ecclesiasticis vel in genere vel in spe-
cie dicto modo rogaret. Doleo tamen
non parum, quod ignoret, id eum In-
quisitorem ex eo tempore minime ob-
seruare: sic enim existimo, in his causis
tanti momenti non satisfacere con-
scientiæ suæ Principem, si quid recte
mandet; nisi etiam ad executionem eo-
rum quæ recte mandata sunt, aduigilet.
Qua in re, si etiā pientissimus Princeps

In-

144 Dub. XX. *Quid de Tormentis seu quæst. sentiend.*
Inquisitori sacerdotali addat non nem-
nem virum Ecclesiasticum, qui cum au-
ctoritate attendat, ne quid incautius in
eum ordinem impingatur. Videndum
id sane erit, quod multos audio vocife-
rantes, ne is vel cognatione, vel & mori-
bus ac truculentia sacerdotali Iudici iun-
gatur, quiq; vel superbus esse audiat,
vel auarus, vel imperitus. Præstet for-
tasse Syndicos habere occultos, ut si
pra dixi Dub. 9. rat. 8. Interim non pa-
rum placet ingeniosum illius Inquisito-
ris inuentum, de quo nuper audiebam,
cum in loco quodam capere & torque-
re incepisset, primum omnium roga-
uisse, num qui ē Senatu in conuentibus
comparuissent? ut videlicet primoribus
illius loci primum sublatis, tanto dein-
de facilius in cæterum gregem lanie-
nam immitteret.

RATIO XIII. Auget item periculum,
quod in iam dicta suggesti industria
non modo Quæsidores versati sint, ve-
rum etiam ipsi adeo lictores egregie
profecerint, tanto maiore artis succes-
tu, quanto minus id notum Inquisitori-
bus

An periculū morale & frequēs innocētib. inducāt? 145
bus est, si tamen semper est ignotum:
Nam lictores quidam, cum reas simpli-
ciores ad tormenta præparant, prius in-
struunt quas audacter complices edi-
cant: aiunt talem & talem ter qua-
ter &c. denunciata m ab aliis esse, ca-
ueant ne tergiuersentur & denunciare
detrectent, de quibūs tamen iam satis
constet, & quæ nihilominus non euadant:
sequantur consilium suum, se clem-
mentem eis fore: Hæc illi: sed & sugge-
runt iniqui nebulones quid alię de ipsis
quoque fassæ sint, vt discant quid de se
fateri habeant si tormentis superentur.
Vnde fit, vt cum deinde eadem de se fa-
teantur cum iisdem circumstantiis que
alię de ipsis prius sunt confessę, mirifice
triumphant Quæsitores & in protocol-
lis eximie notent, quasi certissimo iam
ipsam manibus veritatē teneant; quip-
pe quod alioqui sic exacte congruere
accusatę cum accusantibus non potuif-
sent: nec animaduertunt ingeniosissimi
homines lictorum fraudem, quam vel
ego non nimis miris industriis vestiga-
re potui. Ita qui occultissimum, vt vo-

L

cant,

146 Dub. XX. *Quid de Tormentis seu quæst. sentienti-*
cant, Sagarum crimen in lucem iactantem pro-
ducere, crassissimam suorum lictorum nequitiam latèrē patiuntur. Di-
scant hinc Principes, quæ vis insit illi
phraſi, cum aiunt: *Titiam vltro in ea-*
dem puncta incidisse, quæ de ipsa alia
denunciarant.

RATIO XIV. Auget item periculum,
quod si semel vel vnicā tantum vere in-
nocens vit tormentorum superata reat
se criminis ac flammæ fecerit, conti-
nuo innumerās quoque alias innocen-
tes in eundem reatum pertrahi necel-
le fit. Id quod sic ostendo: Gaia inno-
cens mentita est se Sagam esse: mox er-
go postulabitur socias ut prodat: si ha-
buisse neget, fides abnuetur, tolletur in
quæſtioneim, in qua si se ēmet ante ser-
uare non potuit, nec deinde alias serua-
bit: *Facile enim, vt ait Paulus Iuris Con-*
sultus lib. 5. sent. tit. 12. alienam salutem
in dubium deducet, qui de sua desperauit.
Accusabit igitur quas nescit, atque eas
in primis quas meminerit infames au-
diuisse: quas proinde, si ut fieri non se-
mel vidi, ob vnam hanc denunciatio-
nem

An periculū morale & frequēs innocētib. inducāt? 147

nem cum infamia coniunctam in carcerem ac tormenta ambulare oportuerit, ac deinde rursum harum quoq; singularē subiectæ pœnis suas item complices effari cœperint, quis non videt intra breuissimum tempus futurum, vt denunciantum & denunciatarum finis vix sit inueniendus: præsertim si ferocior sit Iudex, & eorum Autorum sequatur sententiam, qui vel vnicam, vel plures aliquot cōplicum denunciationes nullis aliis indicis comitatas ad torturam, imo & ad condemnationem valere volunt in criminibus Exceptis. Punctum hoc cum attentius cōsidero, non semel ad insignem Germaniæ cætitatem attremui. Consideret quoque Lector, & dubitabit non nemo, in tota hac materia Sagarum quid credat, & an omnino quicquam credat. Itaque cogentibus tormentis incredibile dīctu est, quanta de se ipsis, quanta de aliis mentiantur: quicquid tandem verum esse tortoribus placuit, id est verum: ad omnia annuunt torturæ; & cum deinde reuocare non audeant, morte omnia

L 2

obs.

148 Dub. XX. *Quid de Tormentis seu quæst. sentienda
obsignantur.* Scio quid loquar, & ad Iu-
dicium illud prouoco, quod viui mor-
tuiq; præstolantur ; in quo admiranda
patefient, quæ nunc inuoluta tenebris
sunt. Id ex animo pronuncio, nescire
me à multo tempore, quid Authoribus
iis, quos antehac proliente curiosita-
te lectitare & æstimare solebam, Remi-
gio, Binsfeldio, Delrio, ac cæteris in vl-
la re fidei possim adiungere; cum omnis
fere eorum de Sagis doctrina non alij
imposita fundamēto sit, quam vel Nar-
ratiunculis quibusdam, vel Cōfessioni-
bus per torturas expressis. Nouit DEVS,
quot gemitus ex imo corde deductos
effuderim, cum hæc mecum etiam no-
ctibus persæpe vigilans attenderem,
nec tamen modus occurseret quo tan-
tisper sistere liceret opinionum vulga-
rium torrentem, dum absque præiudi-
cio & deprauato affectu rem altius re-
petere hominibus liberet.

RATIO XV. Auget item periculum,
quod si qua semel dolori dedit, ut rea es-
se vellet, iam omnem sibi viam ad salu-
tem occluserit, nec spes vlla reliqua sit
susce-

An periculū morale & frequēs innocētib. inducāt? 149
suscepti semel criminis excutiendi. Ne-
gotium periculofsum!

Nam si post tormenta se corrigat ac
dicat, vi doloris, non veritatis laxasse
linguam, repetetur in quæstionem: in
qua si paulo prius tenere vocem non
potuit, nec nunc tenebit, irritato per i-
terationem pœnæ doloris sensu. Ac si
post torturam hanc secundam, iterum
se corrigat; sane tertiam experietur.
Ulta quam etsi negent Autores boni
Petrus Gregorius Tholosanus, Gome-
zius, Lessius, Delrius, & alij plurimi ab
hoc citati lib. 5. sect. 9. procedi oportere,
atque ita tum demum reuocationi ad
absolutionem esse locum: tamen ne id
quidem satis iuuerit; cum in primis vix
reperientur quæ nō mori malint quam
ad quæstionē tertiam peruenire; dein-
de autem & Autores alij ferociores non
desint, qui etiam ultra tertiam vicem in
atrocibus criminibus eundum esse pu-
tent: quorum proinde opinionem se-
ueri Iudices sequentur. Quod si vero et-
iam adducte tandem rex in supplicij lo-
cum, cum à tormentis non habent me-

L 3 tuc-

Dub. XX. Quid de Tormentis seu quæst. sentiendⁱ
tuere, iam flamas intraturæ, reuocent
audacter, quæ sunt doloris coactione
confessæ; ne id quidem quicquam ha-
bet ad salutem momenti. Contemnunt
enim Iudices, & ei potius insistunt Con-
fessioni, quæ iudicalis fuit in tormentis
facta; ut hæc vltima ante mortem reu-
catio omnino frustra suscipiatur; proin-
deq; verum maneat quod dixi; præci-
sam omnem esse spem correctionis, vbi
semel in tormentis lapsu linguae suscep-
pta culpa est.

RATIO XVI. Auget item periculum,
quod si que è contrario dolori nil dedit
ut fateri voluerit, nihilominus nec sic
cripere se possit, & ab asperso crimine
purgare. Toties enim ad tormenta re-
uocabitur, dum succumbat, & vox ve-
niat in potestatē tam frequentium pœ-
narum. Erat aliquid, si post vnam qua-
stionis procellam constanter elisam, in
tuto salutem statuere liceret: Nunc il-
la repetitio & frequentatio fidicula-
rum, virgarum, facularum, &c. passim v-
fitata, spem omnem interficit vñquam
emergendi. Qua quidem in re aut ve-

he-

An periculū morale & frequēs innocentib. inferāt? 151
hementer cum p̄ientissimis multis viris
deliro, aut videre sane nequēo, quo tan-
dem modo sufficienter innocentibus
à periculo sit cautum, quin innumerā-
biles & perierint haētenus, & in poste-
rum perituræ fint. Rectissime nuper
religiosus quidam vir, ingenio perspi-
caci, cum apud iudiciales quasdam per-
sonas de hoc argumento esset sermo,
quæstionem eis hanc sub fine in propo-
suit: doceri se cupere, quis tandem ille
esset modus, quo is se liberaret, qui
vere innocens in vincula venisset? ad
quod cum diu non satisfacerent, nec il-
le tamen premere desisteret, id tan-
dem responderunt; se ea nocte desuper
meditatueros esse. Ecce autem hi tales
cum iam tot ante pyras incendissent, i-
ta adhuc eatenus processerant, vt ne-
que in illum diem modum assignare
sufficientem possent, quo qui vere in-
nocens fuisset, se eripere ex eorum ma-
nibus potuisset. Ego eandem quæstio-
nem Magistratibus Germaniæ propo-
no. Et si quis erit qui putet se eum mo-
dum inuenisse: iam hoc ipso ostender

L 4

ne-

152 Dub. XX. *Quid de Tormentis seu quæst. sentiend*
nescire se quid geratur; & si nesciat, in
periculo salutis suæ esse, cum scire de-
beret. Legat igitur quæ adhuc deinceps
dicemus, & tamen omnia dicere non
dum nobis expedit, cum ea tempora
sint quæ non ferant. Et quid miramur
si omnia sunt Sagis plena? Miremur in-
signem Germaniæ cæcitatem, & stu-
porem etiam peritorum. Sed hi nimirum
quieti & lautitiis assueti, ac post forna-
cem commentari soliti, cum nec spe-
ciem quidem ullam doloris cõceperint
animo, non secus de reorum tormentis
sentire ac loqui solent, ac tam liberali-
ter ea decernere, quam si cæcus de co-
loribus differat, quorum imaginē non
habet. Dici de iis non incongrue potest
quod habet Scriptura, Amos cap. 6. *Bi-*
bentes vinum in phialis, & optimo unguen-
to delibuti, & nihil patiebantur super con-
tritione Ioseph. Qui si deinde ipfi,
tormentis vel per semidimidium quadran-
tem horæ admouerentur, omnem subi-
to sapientiam suam & Philosophiam
tam magnificam in terram excute-
rent: neque enim non plane infantili-

ter

ter de rebus quas nesciunt, philo-
phantur.

Vnde, ut concludam; omnino sentio
cum ornatissimo quodam viro & amico
meo, qui sic loqui solet lepide & vere:
Quid, inquit, tam sollicite maleficos
quærimus? Heus, inquit, Iudices, osten-
dam extemplo ubi sint: Agite, rapite
Cappucinos, Iesuitas, Religiosos omnes
& torquete, fatebuntur: si qui negant,
repetite ter quater, fatebuntur: si adhuc
obstinati sunt, exorcisate, detondete:
vtuntur maleficio, obdurat eos Dæmon,
vos procedite; tandem dabunt manus.
Tum si plures vultis, rapite Ecclesiæ
Prælatos, Canonicos, Doctores; fate-
buntur. Nam quid miseri illi & delicati,
qui subsistent? Quod si adhuc plures
vultis; vos ipsos ego torsero, & me vos
deinde: non diffitebor quod vos fassi e-
ritis; sic omnes Magi sumus. Nam scili-
cket nos ijerimus, qui tot pœnis toties
repetitis vocem subtrahere possimus
fortes & constantes viri! Sic ille.

DICES, Imo falsum est quod de repe-
titione pœnarum dicitur: neque enim

154 Dub. XXI. *An accusata Veneficij
repeti tormenta leges volunt, nisi noua
eaq; vrgentissima indicia afferantur.*

RESP. De eo loquor non quod leges
volunt, aut quod ratio præscribit; sed
quod nunc passim Iudices usurpant.
Alia in speculatione vera sunt, alia in
re ipsa factio sunt. Id declarauero, si-
dem argumentum à noua quæstione
latius persecutus fvero. Quæratur igitur:

DUBIVM, XXI.
*An accusata Veneficij sepius torqueri
possit?*

DIstinguenda quæstio est, ut hæc
duo quæri intelligantur:

I. An iterum torqueri possit, quæ se-
mel torta & confessa est, post autem re-
uocat confessionem?

II. An iterum torqueri possit, quæ
semel torta sed confessa non est? dicam
de vtroque. Itaque

RESPONDEO I. Si quæ semel torta
confessa de se crimen est, post au-
tem reuocat, volunt repeti in torturam
posse, et si noua indicia non superuene-
rint;